



## HISTOR ADMIRABL

### DEMEUS AR BOUDEDEO ,

*Pehini abaoue maro hor Zalver nera nemet bale  
nôs ha deiz ac'hann da fin ar bed, abalamour  
d'an affronteri an devoa bet en andret hor  
Zalver Jesus-Christ, pehini, pa voa o vont  
d'ar maro, a falvezas dezàn disqüiza var e  
stal, hac e teuas d'en rebuti evel eur scelerat.*

Var ton : *Güerz Santez Anna.*

---

**A**SISTANTET enorabl, tostait da glêvet  
Ar vuëz pitoyapla a voe biscoas er bed ;  
An histor zo truezus demeus ar Boudedeo,  
A zo nôs-deiz o vale aboe hor Zalver maro.

Eus a dribu Nephtali, a guêr Jerusalem,  
Voa ganet Absarius, carguet a anathem ;  
Dont a ras var ar bed-mâ en amzer Herodes,  
A felveas massacri Jesus, Mab ar Verc'hez.

Va zad a voa eurc'halve, va mam qemenerez,  
Hac a laboure en Templ da ober broderes ;

Hava c'herent am desqas da lenn leor al Lezen,  
Hac hini ar Biofetet iveau a dra certen.

Goude e voen demeet gant va c'herent anfin  
Da eur vreg fur ha prudant a dribu Benjamin,  
A bini'm boe tri buguel en amzer ma teuas  
Autrou Sant Yan Badezour d'anonç ar Messias.

Sant Yan a convertissas calz eus a bayanet  
Pere voa idolatret, caledeter pec'het:  
Dec mil den en un devez en deveus badeet,  
Me, va greg, va bugale e voamp bet o velet.

Va greg a lavaras din : Va fried emezi,  
Leqomp en em vadezi, enont ê ar Messi;  
Ha me o respont dezi gant eun eár direspet:  
Na ni nac hor bugale ne vimp qet badeet.

Aben eun nebeut goude S. Yan voe dibennet  
Dreuz'roue Herodes, eun den cruel meurbet,  
Ha ma teuas hor Zalver evit rën en e blaç;  
Hac a ras dre ar c'hantion calz a viraclou bras.

Clêvet e meus bet Jesus alies o sermon,  
Hep ne meus bet profitet eus e bredisication;  
Va-unan e voan presant p'en d'oa rassaziet  
Dec mil den gant pemp bara ha goudeze pesquet.

Me Boudedeo maleürus a velas c'hoas souden  
Jesus o ressuscita Lazar, breur Madalen,  
Ha güelet dibosseidi calz a dud possedet,  
Ha sivoas din pec'her bras ne meus tam profitet.

Aben eun nebeut goude voe Jesus qemeret  
 Gant calz eus a judevien er jardin Olivet,  
 Ha condaonet gant Pilat da rancout da zouguen  
 Ar groas ponner ha mezus evit ar bec'herien.

Pavoe ar groas achuet, d'hor Zalver voe samet,  
 Da vont da venez Calvar da vea crucifiet :  
 O velet an dud o redec, me guemer va buguel,  
 Ha me mont da dal an nôr pa yê én da vervel.

Cetu Jesus o trémen neuze abiou va zi,  
 Pehini en tal va stal a deu da reposi,  
 Ha me lavarat deàn gant eur gomz arrogant :  
 Qê alesse eus va stał, te zo eun den mechant.

Ganes òn dizenoret gant da iffronteri,  
 Pa qüelàn o reposi amàn e tal va zi :  
 Qerz alesse, den ingrat, cos sorcer milliguet,  
 Qerz alesse d'ar maro, pa c'heus he meritet.

Jesus a respontas dìn gant eur voez truezus :  
 Mont a ràn da bartia, den fall, den maleürus.  
 Me reposo gant va Zad, te valeo bepret  
 Dre bêvar c'horn ar bed-mâ ac'han da fin ar bed.

Ia, te a valeo ac'han d'ar jujamant,  
 Hac er c'hoste deo d'am Zad am velo suramant  
 O varni ar bec'herien pere vo condaonet  
 Da vont d'ar flamougries, arre just d'ar joaüstet.

Paglêvis comzou Jesus, vac'halon voe touchet,  
 Ha me' rîi va bugale en istant d'am pied.

Ma velis ar Veronic o sec'hi bisach Jesus,  
Ha chom en he mouchouer e boltret truezus.

Hep ellout' n'em arrêti e heuillis hor Zalver,  
Hac e velis va Jesus ha calz graguez santel;  
Ar bourrevien d'ar Verc'hez o deveus lavaret :  
Cetu amâ an tachou ma vo ho Mab staguet.

P'amboe güelethor Zalver o vervelvar argroas,  
E creiz etre an daou laer carguet a boaniou bras,  
Ha me comanç va beach gant calz eus a anqen,  
O tont da laret adieu da guær Jerusalem.

Sònjit eta, Bretonet, peguement a c'hlac'h ar  
En deus ar Boudedeo bremâ var an douar !  
Rancout qüittat e gartier, e vreg, e vngale,  
Hep qimiadi diouto, evit atao bale.

Pa en devoe baleet eun nombr a vlaveziou,  
Ec'h êruas en Egypt, pel bras demeus e vrô.  
Eno e mân ar Môr-Rus, elec'h m'oe tremenet  
Moyses gant pobl Doue, hep cavout drouc ebet.

Mont a ris eus ac'hane da enezen Candi,  
Elec'h emedi en noas an dud a zo enni ;  
Eno e velis eun tad o trec'hi a damou  
E verc'h evit sacrific da rîi d'o doueou.

Mont a ris da Malhodo, e pelec'h eus tud drol,  
Pere a ador Doue hac an diaoulou oll ;  
Pedi a reont Doue da gaout prosperite,  
Hac an diaoul a bedont ne rai qet drouc dêze.

Güelet e meus er Japon ur vam meurbet cruel,  
 Piñi' deuas da laza, sivoas, he daou buguel.  
 Er vrô-ze ê permettet laza ar vugale  
 Pa n'o deus qet a vara o zud da rî dêze.

Goude' qemeris an hent da vont d'an Enezi,  
 D'an Americ, d'an Asi, ha neuze d'an Turqi.  
 Ar graguez eus ar vrô-ze a vale d'an arme,  
 Hac an ezac'h o deus soign demeus ar vugale.

Eno emedi ar c'his da laza ar botret,  
 Nemet unan dre famill na ve james miret.  
 Bez' o deus eur rouanez a ro comandament  
 Da laza an oll botret, hep caout dê nep damant.

Er guær eus a Garniol eus ur c'his drol meurbet  
 Raceno an dud yaouanc, pa vezont eureujet,  
 Erânc ar vreg yaouanc, nôs qenta he heured,  
 Mont da gousqet gant ar prinç, vit bea enoret.

Bet òn ebars en eur c'hood hanvet Cisaria,  
 Elec'h ma eller bale cant lêo d'an nebeuta  
 Hep cavet dour da eva, na feunteun na rivier,  
 Ar pez zo goal incomod da oll dud ar c'hartier,

Monet a ris c'hoas pelloc'h, d'ar guær a Vosopa,  
 Pini zo eus he divoal eur prinç eus an drola :  
 Urvanden chaç ha merc'het en deus evit gardou,  
 Ha n'en deus qen soudarded evit difen e vrô.

Ac'hane' yis da eur guær zo hanvet Estopet,  
 Elec'h ma zeus serpentet ha loened vil meurbet

Zo quer teo ha corfun den sur ma vent muzoret,  
Odeveus d'an nebeut a daou-uguent troatad het.

Er spaç demeus a gant vloas ez òn bet o vale,  
Ha me êruout adare em brô hac em c'hontre :  
Allas ! maro voa va greg coulz ha va bugale,  
Ha den ebet eus va brô certen n'am anavée.

Neuze e teuis da Rom, ebars en Itali,  
En amzer-ze e voa calz eus a c'hlac'har enni ;  
Güelet' ris merzeria nombr bras a gristenien,  
En defot ne renoncent d'o feiz ha d'o lezen.

Me a vale var ar mîr coulz havar an douar,  
Ha me partial neuze evit ar Franç, brô rar !  
E Marseill, Bourdel, Paris, Niort, Naonet, Lyon ;  
Ac'hane da Vreiz-Izel, d'ar guær vrao a Roazon.

Güelet e meus Montroulez ne voa nemet eur c'hood,  
Ha güelet Brest ha Qemper ebars en douar prat,  
Ha güelet ar guær a Is en he frosperite ,  
Hac ar guær a Lexovi a meus güelet ive.

Güelet e meus Breiz-Izelen coad ha meneziou,  
Ma zoat evel sovajet neuze ebars er vrô ;  
Me a vel calz a guériou er vrô-se batisset,  
A ra calz a chenchamant abaoue ma zòn bet.

Me vel ar guæra Roazon eur guærgaer batisset,  
Dol, Güenet ha Sant-Malo, Dinan ha can Naonet,  
Sant-Brieg ha Landreguer, Lanion, Montroulez,  
Castel-Pol ha Lesneven ha Landerne ives.

Arc'hæriou-zemeus güelet e coad hace prajou  
 Padeuis d'ober va beach quenta ebars er vrô;  
 Cetu batisset Qemper, ha Brest ha Recouvranc,  
 Qemperle, Moelan, Kerahes ebars en assuranç.

Anfin, pa òn condaonet gant Doue da vale,  
 Me zo bet en em gavet e creiz meur a arme ;  
 Canoliou ha fusuliou, clezeyou, sabrennou,  
 Netra ne dê bet capapl da rîi din ar maro.

Bet òn ebars e listri a zo bet perisset,  
 Hac an dud a voa enne a meus güelet beuzet,  
 Ha me hanvet Boudedeo n'em bije drouc ebet :  
 Comzou Doue a râncou bea accomplisset.

Condaonet e zòn gantâ da chom var an douar;  
 Comprenit oll christenien, emâ zodin glac'har!  
 Va zourmanchou er bed-mâ biqen na êehuo  
 Qen a deuï Doue da varn ar beo hac ar maro.

Ar som eus a bemp goenec zo em gode l bepret,  
 James gant nepseurt clénvet me ne dòn attaqet;  
 Bet òn ebars en broyou elec'h m'oar vocen ,  
 Hepna zeus staguet ouzìn naclénvet nac an qen.

Va boutou na va dillat james na uzont qet ,  
 Dre bermission Doue a meus bet offancet ;  
 Peder güech e meus redet pêvar horn ar bed-mâ ,  
 Ha güelet e meus ive calz chenchamant ennâ.

Bremâ e zòn comancet da redec ar bempet,  
 Hepne dòn ambarasset gant dibri na coussqet;

Güelet a meus bet broyou zo bet oll revinet,  
Ha calz demeus a guæriou gant ar gurun dêvet.

Nemeusqet calz amzer evitchom da barlant,  
Me a gred e ma va zreid vargore glaou ardant  
Nan, ne zeus nemet Doue a elfc disclêria  
Ar boaniou bras a zouffràn qerqent ma reposan.

Pebes maleur ê din-me bea bet rebutet  
Demeus a guichen ya stal Jesus Salver ar bed  
Pa voa o vont d'ar maro, da zont da zisqüiza,  
Ha me neuze dre valeur a zeuas d'e zispriza.

Emâ ê armaleur bras a meus var ar bed-mâ !  
Emòn atao o vale ouspen trivac'h cant vla,  
Ha c'hoas e rànqàn bale ac'han da fin ar bed :  
Pedit Doue evidòn, ma zin d'ar joaüstet.

**FIN.**

---

**E** Montroulez, et ty LÉDAN, ru Pont-an-Itron-Varia.